

Na osnovu Odluke Vlade Bosansko-podrinjskog kantona Goražde broj: 03-11-776/26 od 03.04.2026. godine, o davanju saglasnosti na Program utroška sredstava Ministarstva za urbanizam, prostorno uređenje i zaštitu okoline Bosansko-podrinjskog kantona Goražde sa ekonomskog koda 614 400 – Subvencije javnim preduzećima, Ministarstvo za urbanizam, prostorno uređenje i zaštitu okoline Bosansko-podrinjskog kantona Goražde **o b j a v l j u j e:**

## **JAVNI POZIV**

**za dostavljanje prijedloga projekata javnih preduzeća i javnih ustanova sa područja Bosansko-podrinjskog kantona Goražde koji će se finansirati/sufinansirati iz Budžeta Ministarstva za urbanizam, prostorno uređenje i zaštitu okoline Bosansko-podrinjskog kantona Goražde za 2026. godinu**

### **I**

Predmet javnog poziva je dodjela novčanih sredstava za finansiranje/sufinansiranje projektnih aktivnosti iz oblasti energetske efikasnosti i zaštite okoline u svrhu ostvarivanja ciljeva Programa utroška sredstava iz Budžeta Ministarstva za urbanizam, prostorno uređenje i zaštitu okoline Bosansko-podrinjskog kantona Goražde sa ekonomskog koda 614 400 – Subvencije javnim preduzećima za 2026. godinu.

### **II**

Sredstva po ovom Javnom pozivu Ministarstva za urbanizam, prostorno uređenje i zaštitu okoline Bosansko-podrinjskog kantona Goražde (u daljem tekstu: Ministarstvo) se raspodjeljuju za finansiranje/sufinansiranje projekata koji imaju za cilj:

- Očuvanje, zaštita i unaprijeđivanje stanja u oblasti zaštite okoline, kao i stvaranje boljih uslova života,
- Poboljšanje energetske efikasnosti, ostvarivanje energetske i ekonomskih ušteda, kao i smanjene emisije štetnih materija,
- Medijska i svaka druga promocija važnosti očuvanja čovjekove okoline kao što su javne tribine, edukativne emisije, kvizovi i sl.
- Uređenje prostora i očuvanje prirodnih resursa,
- Uređenje javnih površina,
- Nabavka opreme i materijala kojom će se unaprijediti očuvanje zaštite okoline.

### **III**

Zahtjev za finansiranje/sufinansiranje programa/projekata mogu podnijeti samo javna preduzeća i javne ustanove koja su u skladu sa važećim propisima registrovana na području Bosansko-podrinjskog kantona Goražde sa projektima usmjerenim na realizaciju ciljeva proizašlih iz namjene ovih sredstava. Sredstva za programe i projekte javnih preduzeća i javnih ustanova će se dodjeljivati po ovom Javnom pozivu koji je objavljen u sredstvima javnog informisanja na području Kantona i službenoj web-stranici Kantona [www.bpkg.gov.ba](http://www.bpkg.gov.ba).

### **IV**

Prijedlog raspodjele i isplate ovih sredstava vršit će se u skladu sa općim i posebnim kriterijima. Ministarstvo će putem Komisije, koju Rješenjem imenuje Ministar, na osnovu utvrđenih kriterija vršiti procjenu i vrednovanje podnešenih projekata. Odluku o odobravanju sredstava na prijedlog Ministarstva donosi Vlada Bosansko-podrinjskog kantona Goražde, a transfere odobrenih iznosa novčanih sredstava nosiocima projektnih aktivnosti izvršiće Ministarstvo za finansije. Korisnici programa su dužni odobrena sredstva namjenski utrošiti u skladu sa dostavljenim programima i finansijskim planom, te u roku od šest mjeseci Ministarstvu podnijeti završni narativni i finansijski izvještaj.

## V

### **Kriteriji za dodjelu sredstava**

**Opći kriteriji** za odobravanje sredstava za finansiranje/sufinansiranje projektnih aktivnosti iz oblasti zaštite okoline su:

- da predloženi projekat tretira oblast iz nadležnosti rada Ministarstva,
- da su predloženi projekti podneseni u predviđenom roku (prema datumu slanja naznačenom na pošiljci ili prijemnom pečatu Ministarstva),
- da u sklopu prijave imaju sve potrebne dokumente - priloge potpisane i ovjerene od strane ovlaštenih lica, a neće se razmatrati nepotpune i neispravno popunjene prijave i one koje ne stignu u propisnom roku,
- da se projekat realizuje na području Bosansko-podrinjskog kantona Goražde,
- da vrijednost projekta ne prelazi iznos sredstava planiranih za te namjene u budžetu Ministarstva za 2026. godinu, u suprotnom prijedlog projekta mora sadržavati dokaz da su već obezbjeđena nedostatna sredstva za njegovu realizaciju (sufinansiranje).

**Posebni kriteriji** za odobrenje sredstava za finansiranje/sufinansiranje su:

- da projekat povećava energetska efikasnost u procesu očuvanja, zaštite i unapređivanja stanja okoline, kao i stvaranje boljih uslova života sa posebnim aspektom na smanjenje zagađenja okoliša kroz adekvatno prikupljanje i zbrinjavanje komunalnog otpada,
- da projekat podstiče organizovane akcije stanovništva na zaštiti okoline (edukacija, prevencija, takmičenja, medijska promocija i sl.),
- da predloženi projekat doprinosi zaštiti različitih prirodnih dobara, uređenju javnih površina, unapređenju očuvanja zaštite okoline.

**Bodovni kriteriji** - Ministarstvo će putem Komisije vršiti procjenu podnešenih projekata i programa ocjenama od 1 do 5 prema sljedećim kriterijima:

- Hitnost realizacije projekta,
- Dugoročnost efekata projekta,
- Kvalitet projekta, u smislu detaljnog obrazloženja njegove realizacije i troškova,
- Održivost projekta, u smislu kontinuiteta projektnih aktivnosti u budućnosti,
- Ekonomičnost projekta,
- Broj osoba obuhvaćenih programom, odnosno da će korist od njegove realizacije imati više osoba,
- Finansijski kriterij (veće učešće u sufinansiranju će biti ocjenjeni većom ocjenom).

**Kriteriji neprihvatljivosti za učešće u Programu** - Prilikom procjene neće se razmatrati projekti i programi:

- koji nisu podneseni u predviđenom roku (prema datumu slanja naznačenom na pošiljci ili prijemnom pečatu Ministarstva),
- koji nisu iz nadležnosti rada Ministarstva i
- javna preduzeća i javne ustanove čiji su projekti i programi u prethodnoj godini finansirani iz sredstava budžeta Ministarstva, a za koje nisu dostavljeni izvještaji o realizaciji.

## VI

### **Potrebna dokumentacija**

Javna preduzeća i javne ustanove uz obrazac za prijavu projekata obavezno prilažu kopije sljedećih dokumenata:

- Izvod iz sudskog registra  
Uvjerenje o poreznoj registraciji
- Karton deponovanih potpisa iz banke osoba odgovornih za finansije u javnom preduzeću ili kopiju ugovora s bankom o otvaranju transakcijskog računa - ugovor sadrži ID broj i imena osoba ovlaštenih za finansije,
- Broj transakcijskog računa i naziv banke kod koje je otvoren,
- Detaljan projekat za koji se traže sredstva,

- Finansijski plan projekta s izvorima prihoda i očekivanim rashodima (sadržan u projektu),
- Dinamički plan realizacije projekta sadržan u projektu.

Navedeni dokumenti koji se prilažu uz prijavu ne smiju biti stariji od šest (6) mjeseci.

## VII

Prijava na Javni poziv se podnosi na posebnom Obrascu za prijavu projekata koji je sastavni dio ovog Javnog poziva. Obrazac za prijavu projekata dostupan je na web stranici Bosansko-podrinjskog kantona Goražde ([www.bpkg.gov.ba](http://www.bpkg.gov.ba)) i u prostorijama Ministarstva - kancelarija broj 43. Dodatne informacije se mogu dobiti svakim radnim danom na broj telefona 038/224-257.

Ministarstvo za urbanizam, prostorno uređenje i zaštitu okoline Bosansko-podrinjskog kantona Goražde zadržava pravo poništenja ovog Javnog poziva do odabira korisnika sredstava, bez obaveza pismenog ili usmenog obrazloženja, kao i bez obaveza snošenja troškova za podnošenje zahtjeva po ovom pozivu.

Popunjeni Obrazac za prijavu projekata sa svim prilogima podnosi se Ministarstvu za urbanizam, prostorno uređenje i zaštitu okoline Bosansko-podrinjskog kantona Goražde u zatvorenoj koverti, a predaje putem protokola Bosansko-podrinjskog kantona Goražde ili pošte na adresu:

**BOSANSKO-PODRINJSKI KANTON GORAŽDE**  
**Ministarstvo za urbanizam, prostorno uređenje i zaštitu okoline**  
**”Komisija za procjenu projekata javnih preduzeća i javnih ustanova”**  
**ul. 1. Slavne Višegradske brigade br.2a**  
**73 000 Goražde**

Sa naznakom:

**„Ne otvaraj -Prijava na Javni poziv za dostavljanje prijedloga projekata javnih preduzeća i javnih ustanova za finansiranje/sufinansiranje iz Budžeta Ministarstva za urbanizam, prostorno uređenje i zaštitu okoline Bosansko-podrinjskog kantona Goražde za 2026. godinu“**

## VIII

Javni poziv ostaje otvoren od dana njegove objave u programu „RTV BPK“ do utroška sredstava, a najkasnije do 15.12.2026. godine. Javni poziv bit će objavljen i na službenoj oglasnoj ploči Bosansko-podrinjskog kantona Goražde. Nepotpune i neblagovremene prijave neće se uzeti u razmatranje.

Broj: 09-11-259/26  
Goražde, 04.05.2026. godine

